



UNIVERSITÄTS-
BIBLIOTHEK
PADERBORN

Davidis Regii Prophetæ Psalterium

Moritz <Hessen, Landgraf>

Smalcaldiae, 1593

VD16 B 3258

Octonarius quartus. Daleth. Adhæsit pauimento anima mea, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Tu prohibe, incutiant mihi ne probra vlla pudorē,
Quando colo leges, diligo iussa tua.
Et quamuis proceres in me dicteria spargant,
De verbo, tamen his, dissero sponte, tuo.
Est vice consilii tua vox, oracula possunt
Rebus in aduersis me releuare tua.*

Octonarius quartus.

D A L E T H.

Adhæsit pauimento anima mea, & c.

DA, mea mens tristis vili de puluere surgat,
Erectam verbo viuificaq; tuo.
Exposui mea facta tibi, responsa dedisti,
Quare pacta doce me, Deus alme, tua.
Demonstres normam dictorum queso tuorum:
Tum decreta canam, tum tua iura loquar.
Sic ego me crucio, pectus mihi ut aereat agrum,
Te rogo, confirmes cor mihi, summe Deus.
Errores procul hinc & dogmata falsa repelle,
Tu mihi doctrina suggere sensa tua.
Sector recta, viam teneo, qua fallere nescit,
Veraces gressus omnibus antefero.

His

*His animum admoueo, qua tu testatus es ipse,
Tu me confundi ne patiare, Deus.
Tunc vitam institui plantis decurrere rectis,
Auxilium mihi cum praesidiumq; feres.*

Octonarius quintus.

H E.

Legem pone mihi, Domine, &c.

Esto via, Deus ô, monstrator, dirige gressus,
Tollere quò possim nomen honore tuum.
Ut seruem leges, me doctis instrue verbis:
Ut seruem toto corde statuta, doce.
Præceptisq; tuis me tanquam ducito scalis,
Cor capit hinc quoniam gaudia vera meum.
Hoc age, ne pectus corrumpat auara cupido,
Neuè aliud sitiam, quàm tua iura sequi.
Avertasq; meos oculos, ne turpia cernant,
Sed me viuifices lege viaq; tua.
Fac tuus ut magni faciat tua verba minister,
Ut te non ficta mente fidelis amem.
Prospice, ne opprobriũ & turpis me infamia tur-
Nam iucunda mihi sunt tua iudicia. (bet:

Hh Ecce,